

Sarajevo, 27-09-2024

Broj: 73-04-4-34226



KLINIČKI  
CENTAR  
UNIVERZITETA  
SARAJEVO

Na osnovu člana 70. Zakona o javnim nabavkama („Službeni glasnik BiH”, broj 39/14 i 59/22), člana 48. Statuta KCUS-a (Sl. novine FBiH br. 73/13), člana 25. Pravilnika o javnim nabavkama Kliničkog centra Univerziteta u Sarajevu (65-04-2-4654-1 od 01.02.2023.godine) na prijedlog Komisije za javnu nabavku Izvještaj broj 73-33-4-33521-3 od 26.09.2024.godine, V.D. Generalnog direktora donosi:

### ODLUKU

o izboru najpovoljnijeg ponuđača za  
„Zemljano-betonske i asfalterske radove”

#### I

Prihvata se prijedlog Komisije za javnu nabavku, **Izvještaj broj 73-33-4-33521-3 od 26.09.2024.godine**, za postupak nabavke za „Zemljano-betonske i asfalterske radove”, nakon provedenog konkurentskog zahtjeva sa Obavještenjem o nabavci broj 893-7-3-348-3-679/24 od 10.09.2024.godine i okvirni sporazum u trajanju od 12 (dvanaest) mjeseci dodjeljuje ponuđaču **DINALSA d.o.o. Sarajevo**, u skladu sa procijenjenom vrijednosti, odnosno obezbjeđenim sredstvima za predmetni postupak nabavke u iznosu od **20.000,00 KM bez PDV-a**, a sve prema dostavljenoj ponudi broj 0337/24 od 23.09.2024.godine (KCUS broj 10-11-3-33513 od 23.09.2024.godine), odnosno prema jediničnim cijenama prikazanim u navedenoj ponudi.

#### Osnovni elementi okvirnog sporazuma:

- Vrijednost okvirnog sporazuma: **20.000,00 KM bez PDV-a+PDV 3.400,00 KM = 23.400,00 KM sa PDV-om;**
- Okvirni sporazum se zaključuje na period od 12 mjeseci, odnosno do utroška maksimalne vrijednosti zaključenog Okvirnog sporazuma;
- Jedinične cijene Predmjera radova su sastavni dio sporazuma;
- Ponuđene cijene su nepromjenjive za cijeli ugovoreni period i izražene u KM;
- Uslovi plaćanja: u roku 60 dana od dana izvedenih radova i ispostavljanja računa;
- Garancija za izvedene radove: 12 mjeseci;
- Rok izvršenja radova: maksimalno 20 (dvadeset) dana od potpisivanja pojedinačnog ugovora i izdavanja narudžbenice;

#### II

Izabrani ponuđač **DINALSA d.o.o. Sarajevo**, sa sjedištem u ulici Huseina Đoze 3., 71 000 Sarajevo, nije dostavio dokaze u sklopu svoje ponude kojima se potvrđuje vjerodostojnost izjave o ispunjavanju uslova iz člana 45. Zakona o javnim nabavkama („Službeni glasnik BiH”, broj 39/14 i 59/22), te je dužan u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 4.1. Tenderske dokumentacije, ne starije od 3 mjeseca računajući od momenta predaje ponude.

#### III

Ova Odluka stupa na snagu danom donošenja i u skladu sa zakonskim propisima će biti dostavljena ponuđačima učesnicima postupka javne nabavke i objavljena na web stranici KCUS-a.

### OBRAZLOŽENJE

U skladu sa Odlukom br. 73-11-3-30254 od 26.08.2024. godine, pokrenut je postupak javne nabavke za „Zemljano-betonske i asfalterske radove”. Procijenjena vrijednost nabavke iznosi **20.000,00 KM bez uračunatog PDV-a**, a sredstava su planirana Planom javnih nabavki za 2024.godinu, pod klasifikacijom **Radovi, redni broj 9**. (Odluka o usvajanju Plana JN KCUS-a za 2024.godinu, broj:58/24, broj protokola 65-04-4-3780 od 30.01.2024.godine).

Uslovi plaćanja predviđeni za postupak nabavke su odgođeno plaćanje 60 dana po ispostavljenom računu (na osnovu akta Sektora za finansijsko, knjigovodstvene i planske poslove br. 56-11-3-6066 od 16.02.2024.godine).

Klinički centar Univerziteta u Sarajevu je 10.09.2024.godine, objavio Obavještenje o nabavci broj 893-7-3-348-3-679/24 na portalu e-Nabavke zajedno sa Tenderskom dokumentacijom za Zemljano-betonske i asfalterske radove.

Obzirom da je tenderska dokumentacija za postupak nabavke objavljena na portalu e-Nabavke istu je preuzelo 6 (šest) potencijalnih ponuđača, a do krajnjeg roka određenog za prijem ponuda, do 23.09.2024.godine do 09:30 sati na Protokol KCUS-a je dostavljena 1 (jedna) ponuda što je evidentirano Zapisnikom o zaprimanju ponuda br. 73-33-4-33521 od 23.09.2024.godine, koji čini sastavni dio Izvještaja.

Red. broj ponude	Naziv ponuđača	Broj i datum ponude	KCUS broj, datum i vrijeme prispjeća ponude	Zbir jediničnih cijena bez PDV-a (KM)
1.	<b>DINALSA d.o.o. Sarajevo</b>	0337/24 od 23.09.2024.godine	10-11-3-33513 od 23.09.2024.godine u 09:15 sati	<b>13.010,50</b>

*[Handwritten signature]*



## **Analiza dostavljenih ponuda**

U skladu sa zahtjevima definisanim tenderskom dokumentacijom koje treba da ispune ponuđači da bi stekli uslove za dalju kvalifikaciju u javnom nadmetanju, Komisija imenovana Odlukom br. 73-04-4-33110 od 18.09.2024.godine, je detaljnom analizom dostavljene dokumentacije za predmetni postupak nabavke, konstatovala **da dostavljena ponuda ispunjava uslove definisane tenderskom dokumentacijom**, odnosno da ispunjava formalno-pravne i tehničke zahtjeve, te je također izvršila i računsku provjeru ponude pri čemu nisu ustanovljene greške i jednoglasno donijela zaključak da je ponuda **prihvatljiva i može učestvovati u daljem toku natjecanja**.

Uzimajući u obzir da je Ugovorni organ u sklopu tenderske dokumentacije jasno definisao da se radi o okvirnom sporazumu za koji nije u mogućnosti predvidjeti i odrediti tačne količine radova koje su mu potrebne za vrijeme trajanja okvirnog sporazuma, odnosno da će se okvirni sporazum zaključiti u skladu sa obezbjeđenim / osiguranim finansijskim sredstvima za ovaj predmet nabavke u iznosu od 20.000,00 KM bez PDV-a, iznos ponude od 13.010,50 KM bez PDV-a, predstavlja zbir jediničnih cijena koje bi se u slučaju prijema dvije ili više ponuda koristile samo radi poređenja pri odabiru najpovoljnije ponude u predmetnom postupku nabavke, odnosno zbir jediničnih cijena bi se koristio kao osnova za provođenje postupka e-aukcije.

Imajući u vidu navedeno, te da je za ovaj postupak javne nabavke planirano provođenje e-aukcije u skladu sa Pravilnikom o uslovima i načinu korištenja e-aukcije (Službeni glasnik BiH br. 80/23), a na osnovu člana 4. Stav 2) u kojem je regulisano kako se e-aukcija ne može provesti u slučaju prijema jedne prihvatljive ponude, postupak nabavke za „Zemljano-betonske i asfalterske radove“ **se okončava u skladu sa članom 69. Tačka 1) a) ZJN**.

Obzirom da je u navedenom postupku nabavke zadovoljena transparentnost, Komisija jednoglasno daje prijedlog Ugovornom organu putem **Izvještaja broj 73-33-4-33521-3 od 26.09.2024.godine**, da se nakon provedenog konkurentskog zahtjeva sa Obavještenjem o nabavci broj 893-7-3-348-3-679/24 od 10.09.2024.godine za „Zemljano-betonske i asfalterske radove“ donese Odluka o izboru najpovoljnijeg ponuđača i okvirni sporazum u trajanju **od 12 (dvanaest) mjeseci** dodjeli ponuđaču **DINALSA d.o.o. Sarajevo**, u skladu sa procjenjenom vrijednosti, odnosno obezbjeđenim sredstvima za predmetni postupak nabavke u iznosu od **20.000,00 KM bez PDV-a**, a sve prema dostavljenoj ponudi broj 0337/24 od 23.09.2024.godine (KCUS broj 10-11-3-33513 od 23.09.2024.godine), odnosno prema jediničnim cijenama prikazanim u navedenoj ponudi.

Prijedlog Komisije je prihvaćen i donijeta je odluka kao u dispozitivu.

**V.D. GENERALNOG DIREKTORA KCUS-a**  
  
\_\_\_\_\_  
**Prof.dr Hajrija Maksić**



**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:  
- Ponuđačima  
- Službi za javne nabavke  
- a/a KCUS

